



11. september 2013

**Inatsisartut Suleriaasianni § 37 naapertorlugu Naalackersuisunut apeqqutit imaattut matumuuna saqqummiuppakka:**

**Pisorta qarfimmi pisortap Svend Hardenbergip tusagassiutinut nalunaarutai kiisalu inatsisunik atortitsinermit pisortaasimasumut taamatullu tusagassiinermi ataqatigiissaarisumut Julie Rademacherimut tunngasut ilanngullugit sulisunut tunngasunik eqqartuussissuserisut misissuisimanerat pillugu AG-mut oqaaseqarsimanera**  
(Inatsisartunut ilaasortaq Palle Christiansen, Demokraatit)

### **Tunngavilersuut**

Pisorta qarfimmi pisortaq Svend Hardenberg arriisaanngivippoq nammineq suliaq kiissutigisimasami, inatsisunik atortitsinermit pisortaasimasooq taamatullu tusagassiinermi ataqatigiissaarisooq Julie Rademacher pillugit eqqartuussissuserisut misissuisimanerata inernera takkuttooq pillugu tusagassiutinut nalunaaruteqarami.

Tusagassiutinut nalunaarummi Svend Hardenberg ima issuarneqarpoq:

*"Inerniliineq pingaarnerpaaq tassaavoq suliat pineqartut marluk suliarisimanerannut atatillugu unioqqutitsisoqarsimannngimmat"*

AG nummer 36/2013-mi oqaaseqarami Pisorta qarfimmi pisortap oqaatsini sukati allappai, imatummi oqarsimagami:

*"Siullerpaamik paaserusussimavara toqqaannartumik kukkusoqarsimanersoq inatsisinilluunniit unioqqutitsisoqarsimanersoq, paasivaralu taamaattoqanngitsoq".*

Issuaanerit taakku marluk uissuumminarput, eqqartuussissuserisut misissuineranni nalinnaasumi takuneqarsinnaammat inatsisunik unioqqutitsisoqarsimasooq suliallu pineqartut marluk suliarineqarsimanerat ajortoq.

Taamaattumik Naalackersuisunut imaattunik apeqquteqarniarpunga:

**1. Eqqartuussissuserisut misissuinerisa aallarniutigalugu inerniliuppaat: "Ajornaquteqanngitsumik paasinartooq, nalunaarsuinissaq pillugu ingerlatsinermit inatsisit taamatullu suliat pineqartut marluk pillugit allattugaatinik takorusulluni qinnuteqaatinik suliaqarnissamut piffissarititaasut unioqqutinneqarsimannngitsut".** Taama oqarneq ilallugu oqaatigisinnaavara, Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni nr. 9-mi, 13. juni 1994-imeersumi § 6 aamma § 16 unioqqutinneqarsimmata. Inatsisunik unioqqutitsisoqarsimaneranut allaaserisat ersarissut pigineqaraluartut soormita Naalackersuisut qinnerpaat tusagassiutinut nalunaarusiorniarlutik



oqaatigalugulu inatsisinik unioqqutitsisoqarsimanngitsoq?

**2. Naalackersuisut siulittaasuat aamma/imaluunniit Naalackersuisuni ilaasortat allat tusagassiutinut nalunaarut pillugu ilisimatinneqareersimanerlutik imaluunniit pisortaqarfimmi pisortaq nammineerluinnarluni iliuuseqarpa?**

**3. Naalackersuisut uppersarsinnaanerlugu eqqartuussissuserisut misissuineranni suliani pineqartuni marlunni kukkunerit inatsisinillu unioqqutitsinerit misissorneqarsimanngitsut tassunga ilanngullugu apeqput soorlu ministerit akisussaanerat pillugu inatsimmi atorneqartartoq § 6 imm. 2, § 37 tunngavigalugu apeqputit nr. 43 aamma 134 akineqarnerannut atatillugu Naalackersuisut eqqunngitsunik imaluunniit salloqittaallutik Inatsisartunut paasissuutissiisimassappata.**

**4. Naalackersuisut eqqartuussissuserisunik suliaakkiineranni suut tamarmik pissusissamisut ippat? Apeqput akeqquneqarpoq AAPPI-mik imaluunniit NAAGGA-mik.**

Apeqputit akeqquneqarput tigusineraniit ullut sulliviit nalinnaasut qulit qaangiutsinnagit.